

女科輯要 卷下

女科 下

女科輯要卷下

婿王士雄孟英參

沈堯封先生輯

錢塘後學徐政杰藹輝補注

男之藩友珊校

產

宋按濟生產經曰胎前之脉貴實產後之脉貴虛胎前即為用力致先露此其要也此其要也丹溪云產後脉洪數產前脉細小澁弱多死順不能生下或因不改者多不改者多主死

楊子建十產論一曰正產二曰傷產未滿月而痛如欲產非果產也名為試月遽爾用力是謂傷產三曰催產正產之候悉見而難產用藥催之是謂催產四曰凍產冬產血凝不生五曰熱產過熱血沸令人昏暈六曰橫產兒身半轉遽爾用力致先露手令穩婆徐推兒手使自攀耳七曰倒產兒身全未得轉即為用力致先露足令穩婆撥之十曰偏產兒未正而用力所致九曰礙產兒身已順不能生下或因臍帶絆肩令穩婆撥之十曰坐產急於高處繫一手巾令母攀之輕輕屈足坐身可產十一曰盤腸產臨產母腸先出然後兒生產後若腸不收用醋半盞新汲水七分和勻嚥產母面每嚥一縮三嚥盡收孕

婦止腹痛未必產。連腰痛者將產。胞繫於腎故也。腹痛試捏產母手中指中節。或本節跳動。方臨盆即產。

雄按中指跳動。亦有不即產者。更有腰腹不甚痛。但覺疲墜而即產者。

兒未生時。頭本在上。欲生時。轉身向下。故腹痛難忍。此時婦當正身寬帶仰臥。待兒頭到了產戶。方可用力催下。若用力太早。或束肚倚著。兒不得轉身。即有橫生逆生。手足先出之患。

許叔微曰。有產累日不下。服藥不驗。此必坐草太早。心懼而氣結不行也。經云。恐則氣下。

恐則精怯。怯則上焦閉。閉則氣逆。逆則下焦脹。氣乃不行。得紫蘇飲一服便產。

方見子總門

雄按難產自古有之。莊公寤生。見於左傳。故先生如達。不圻不副。詩人以為異徵。但先生難而後生。易理之常也。晚嫁者尤可必焉。然亦有雖晚嫁而初產不難者。非晚嫁而初產雖易。繼產反難者。或頻產皆易。間有一次甚難者。有一生所產皆易。有一生所產皆難者。此或由稟賦之不齊。或由人事之所召。未可以一例論也。諺云。十個孩兒十樣生。至哉言乎。若得兒身順下。縱稽時日。不必驚惶。安心靜俟可耳。會稽施園生茂才誕時。其母產十三日而始下。母子皆安。世俗不知此理。稍覺不易。先自慌張。近有兇惡穩婆。故為恫嚇。妄施毒手。要取重價。嚮而出之。索謝去後。產母隨以告。頒者有之。奈賢賢

者尚誇其手段之高。忍心害理。慘莫慘於此矣。設果胎不能下。自有因證調治諸法。即胎死腹中。亦有可下之方。自古方書未聞有鬻割之刑。加諸投生之嬰兒者。附識於此。冀世人之憬然悟。而勿為兇人牟利之妖言所惑也。但有一種騾形者。交骨如環。不能開圻。名鎖子骨。能受孕而不能產。如懷娠必以挽難死。此乃異稟。萬中不得其一。如交骨可開者。斷無不能挽者也。方書五種不孕之所謂螺者。即騾字之譌也。蓋驢馬交而生騾。純牝無牡。其交骨如環。無端不交。不孕。稟乎純陰。性極馴良。而善走勝於驢馬。然亦馬之屬也。易曰。坤為馬。行地無疆。利牝馬之貞。皆取象於此之謂也。人賦此形。而不能安其貞。則厄於挽矣。

催產神方

治胎數已出。胎不得下。或延至兩三日者。一服即產。

屢用有神效。

當歸四錢

人參一錢

牛膝二錢

川芎一錢

龜板三錢

赭石三錢

研肉桂

一錢去皮

益母二錢

水煎服。

雄按此方極宜慎用。夏月尤忌。必審其確係虛寒者。始可服之。通津玉靈湯最妙。余用猪肉一味煎清湯服。亦甚效。

如神散

路上草鞋一雙。名千里馬。取鼻梁上繩洗淨。燒灰。童便和酒調下三錢。神驗。

武叔卿濟陰綱目云。於理固難通。於用實靈驗。按千里馬得人最下之氣。佐以童便之

趨下。酒性之行血。故用之。良驗。此藥不寒不熱。最是穩劑。

雄按。催生藥不宜輕用。必胎近產門而不能即下。始可用之。又須量其虛實。或助補其氣血。或展拓其機關。寒者溫行。熱者清降。逆者鎮墜。未可拘守成方而概施也。

婦人良方曰。加味芎歸湯入龜板。治交骨不開。醋油調滑石塗入產門。為滑胎之聖藥。花蕊石散治血入胞衣。脹大不能下。或惡露上攻。草麻子治胎衣不下。佛手散治血虛危證。清魂散治血暈諸證。失笑散治惡露腹痛。不省人事。平胃散加樸硝。為腐死胎之藥。

杰按。佛手散亦下死胎。胎死先宜服此。不傷氣血。服此不下。次用平胃樸硝可也。

凍產治驗。劉復真治府叛女產死。將殮。取紅花濃煎。扶女於甕上。以綿帛蘸湯盪之。隨以澆帛上。以器盛之。又煖又淋。久而蘇醒。遂產一男。蓋遇嚴冬。血凝不行。得溫故便產也。逆產足先出。用鹽塗臍足底。橫產手先出。塗兒手心。

杰按。鹽塗手足。痛更縮入。俗乃謂之討鹽生也。

胞衣不下

急以物牢扎臍帶。墜住使不上升。然後將臍帶剪斷。使血不入胞。萎縮易下。若未繫先斷。胞升湊心必死。

未按保生錄覺胎衣不下。產婦用自已頭髮塞口中打一惡心即下。切須放心不可驚恐。不可聽穩婆妄用手取多致傷生。又以草紙燒烟熏鼻即下。

芒硝三錢童便冲服立效。

俞遲良先生目觀

松郡一老穩婆。包醫是證。自帶白末藥一包。買牛膝二兩同煎去渣。冲童便半盃服立下。

白末藥定是元明粉。元明粉即製朴硝也。

產後喜笑不休

一老嫗云。產後被侍者拔落腰子。使然用烏梅肉二個煎湯服立效。

嘉脚錢鄰哉目觀

惡露過多不止

伏龍肝二兩煎湯澄清。烱入阿膠一兩服。如不應加人參。

惡露不來

輕則艾葉及奪命散重則無極丸寒凝者。肉桂紅花等藥。併花蕊石散。

雄按產後苟無寒證的據。一切辛熱之藥皆忌。惡露不來。腹無痛苦者。勿亂投藥餌。聽之可也。如有疼脹者。祇宜丹參丹皮元胡滑石益母草山查澤蘭桃仁歸尾通草之類。為治。慎毋妄施峻劑。生化湯最勿擅用。

九竅出血

彙補云。九竅出血。死證恒多。惟產後瘀血妄行。九竅出血。有用逐瘀之藥而生者。不可遽斷其必死。此是閔歷後之言。不可忽略。雖無方藥。其法已具。

黑氣鼻衄

郭稽中云。產後口鼻黑氣起。及鼻衄者。不治。蓋陽明為經脉之海。口鼻乃陽明所見之部。黑氣鼻衄。是營衛散亂。營氣先絕。故不治。薛立齋云。急用二味參蘇飲加附子。亦有得生者。

眩暈昏冒

去血過多者。宜重用阿膠。水化。略加重便服。

血去不多者。宜奪命散沒藥去油二錢。血竭一錢。共研末。分兩服。糖調酒下。

二條宜與前
惡露過多二

條參
看

錢姓婦產後發暈。兩日不醒。產時惡露甚少。暈時惡露已斷。伊夫向鄰家討琥珀散一服。約重二錢許。酒調灌下。即醒。其藥之色與香俱似沒藥。大約即是血竭沒藥之方。庚辰春。呂姓婦分娩。次日患血暈。略醒一刻。又目閉頭傾。一日數十發。其惡露產時不少。今亦不斷。脈大左關弦硬。用酒化阿膠一兩。冲童便服。是夜暈雖少減。而頭汗出。少腹痛有形。寒戰如瘧。戰已發熱更甚。投藥血竭奪命散二錢。酒調服。寒熱腹痛發暈頓

除。惟嫌通身汗出。此是氣血已通而現虛象。用黃耆五錢炒歸身二錢甘草一錢炒棗仁三錢炒小麥五錢大棗三個煎服。汗止而安。

雄按惡露雖少。而胸腹無苦者。不可亂投破瘀之藥。今秋周鶴庭室人新產眩暈自汗。嬾言。目不能開。乃父何新之視脉虛弦浮大。因拉余商治。詢其惡露雖無。而脫腹無患。乃投以牡蠣石莖龜板鼈甲琥珀丹麥甘草紅棗小麥之劑。覆盃即減。數日霍然。此由血虛有素。既娩則營陰下奪。陽越不潛。設泥新產瘀衝之常例。而不細參脈證。則殺人。之事矣。

發狂譫語

惡露不來者是血瘀。宜無極丸。惡露仍通者是痰迷。宜六神湯。半夏麴一錢橘紅一錢膽星一錢石菖蒲一錢茯神一錢旋覆花一錢水煎濾清服。

一。成衣婦產後半月餘發狂打罵不休。其夫鎖之磨上。余付無極丸六錢分兩服酒下。服畢即愈。越四五日復發。又與六服後不復發。

丁姓婦產後神昏譫語如狂。惡露仍通。亦不過多。醫者議攻議補不一。金尚陶前輩後至。診畢曰。待我用一平淡方喫下去看。用杜剗橘紅石菖蒲等六味一劑神氣清。四劑霍然。此方想是屢驗。故當此危證。絕不矜持。歸語舍弟賡虞。答曰。此名六神湯。余未考。

其所自。

甲戌孟春錢香樹先生如君產後微熱痞悶時時譫語惡露不斷余用理血藥不應改用六神湯四劑病去如失。

不能語

武叔卿曰熱痰迷心使然。膽星一錢。橘紅一錢。半夏一錢五分。石菖蒲一錢。鬱金一錢。水煎入竹瀝一調羹。生薑汁三小茶匙服。按神昏不語有虛有實當參旁證及脉。

聲啞

按屬腎虛補腎之中宜兼溫通。

元生地

錢四

茯苓

錢二

山藥

錢一錢五分

歸身

錢二

肉桂

錢五

遠志

錢五分

水煎服

呃逆

虛脫惡候人參送黑錫丹十全一二。

杰按姜用川米萃一冊載黑鉛乃水之精入北方壬癸凡遇陰火衝逆真陽暴脫氣喘痰鳴之急證同桂附回陽等藥用之立見奇功即經云重劑是也。

又按姜又載何惟丹先生呃逆治驗方云傷寒呃逆聲聞數家者用刀豆子數粒瓦上煨存性為末白湯調下二錢立止又本草綱目云病後呃逆刀豆連殼燒服姜云此方

宜入旋覆赭湯

喘

沈按有脫閉二證下血過多者是脫證喉中氣促命在須臾方書雖有參蘇飲一方恐不及待惡露不快者是閉證投奪命丹可定如不應當作痰治此皆急證更有一種緩者要全善所云產後喘者多死有產二月洗浴即氣喘坐不得卧者五月惡風得煖稍緩用丹皮桃仁桂枝茯苓乾薑枳實厚樸桑皮紫蘇五味瓜蒌煎服即卧其疾如失作汚血感寒治也按此亦是痰證所以能持久痰滯陽經所以惡寒方中着力在瓜蒌厚樸枳實桂枝茯苓乾薑五味數味餘皆多贅

發熱

沈按產後發熱所因不同當與證參看感冒者鼻塞亦不可過汗經有奪血無汗之禁只宜芍歸湯停食者噤腐飽悶宜平劑消食血虛發熱無別證者脉大而芤宜歸芪陰虛者煩渴脉細宜生地阿膠更有一種表熱裏寒下利清穀煩渴惡熱脉微細者此少陰危證宜四逆湯

雄按暴感發熱可以鼻塞驗之苟胎前伏邪婉後陡發者何嘗有頭疼鼻塞之形證乎雖脉亦有不即顯露者惟舌苔頗有可徵或厚白而膩或黃膩黃燥或有赤點或微苔

舌赤或口苦或口渴或胸悶或溲熱此皆溫濕暑熱之邪內蘊世人不察再飲以糖酒生化湯之類則輕者重而重者危不遇明眼人亦但知其產亡而不知其死於何病誤於何藥也我見實多每為太息其後條之乍寒乍熱亦當如是諦察庶免遺人夭殃也

乍寒乍熱

武叔卿曰血閉於陽經榮衛行之不通則寒血閉於陰經榮衛行之不通則熱必瘀通而後寒熱自已

仲景曰病有洒淅惡寒而復發熱者陽脉不足陰往乘之陰脉不足陽往乘之

沈按前條是瘀血後條是陰陽相乘甚則俱有戰慄者治瘀血宜奪命丹調補陰陽輕則歸耆建中重則桂附八味

頭汗

王海藏云頭汗出至頸而還額上偏多蓋額為六陽之會由虛熱薰蒸而出也

沈按汗出不止屬氣血兩虛黃耆五錢炒白芍三錢酒炒歸身二錢棗仁二錢炒甘草一錢炒小麥三錢炒南棗肉三錢煎服神效

與眩暈內呂姓一按泰證

泄瀉

乙亥初夏傅木作婦產時去血過多隨寒戰汗出便瀉不止余用大劑真武乾薑易生薑

兩劑戰少定而汗瀉如故。又服兩日寒戰復作。余用補中湯無人參加附子兩劑病者云我肚裏大熱口渴喜飲然汗出下利寒戰仍不減正凝神思慮間其母曰彼大孔如洞不能收閉諒無活理。余改用黃耆五錢炒北五味四錢搗白芍二錢炒歸身一錢五分炒甘草一錢五分炒茯苓二錢山藥二錢大棗三個一劑病減四劑而愈。雄按觀此案則可見氣虛不能收攝者宜甘溫以補之酸澀以收之不可用辛熱走泄以助火而食氣也。

鄒氏婦產後便泄余用參附溫補藥未效。新城吳敬一診云虛寒而兼下陷用補中益氣加熟地茯苓桂附應手取效。以是知方論內言下虛不可升提不盡然也。

陸姓婦產後三日發疹細而成粒不稀不密用荊芥蟬蛻粘子等藥一劑頭面俱透越一日漸有回意忽大便秘澀數次覺神氣不甯問其所苦曰熱曰渴語言皆如抖出脉虛細數有七至我師金大文診之曰此陽脫證也屬少陰用生附子。三錢水洗畧浸切片煨如炒米色。

炮乾薑八分炒甘草一錢炒白芍一錢五分水煎冲入尿一調羹青魚膽汁四小茶匙。

因夜中無豬膽故以此代即羊膽亦可。服畢即睡覺來熱渴俱除續用黃耆建中湯加丹參蘇木二劑而

安。

產後惡露不行餘血滲入大腸洞泄不禁或下青黑物的奇散極驗荊芥大者四五穗

於釜內燃火燒成灰不得犯油火入麝香少許研勻沸湯一兩呷調下。此藥雖微能愈大病慎弗忽視。

千金膠蠟湯治產後利 黃蠟二碁子大阿膠二錢當歸二錢半黃連三錢黃蘗一錢

陳米半升煎湯煎藥服

便秘

金匱云亡津液胃脘故也

沈按當用當歸肉蓯蓉生首烏麻仁杏仁不應用麻仁丸四五十九

頭痛

沈按陰虛於下則陽易升上致頭痛者童便最妙褚侍中云童便降火甚速降血甚神故為療厥逆頭疼之聖藥若血虛受風宜一奇散即芎歸湯也

薛按載一產婦頭痛日用補中益氣已三年稍勞則惡寒內熱擬作陽虛治加附子一錢於前湯中數劑不發

胃脘痛腹痛少腹痛

沈按有血瘀血虛停食感寒肝氣之異手按痛減者血虛也按之痛增者非停食即瘀血停食則右關脈獨實且有噯哺氣瘀血則所下惡露必少得熱即減者感寒也至若

厥陰肝脉抵小腹挾胃。又為藏血之臟。血去肝虛。其氣易動。一關氣惱。陡然脫腹大痛。治法血虛宜歸耆建中。消食惟查肉炭最妙。兼和血也。消瘀宜奪命散。感寒者。輕則炮薑艾葉。重則桂附茱萸。肝氣作痛。養血藥中加川棟橘核。苦以泄之。重則烏梅丸。辛散酸收。苦泄並用。

然按一婦產後腹痛。令其夫以手按之。小腹痛尤甚。下惡露而痛仍不減。知其非瘀。乃慘糞也。予藥一劑。大便潤下而愈。姜用川治驗。炮薑五分。丹皮二錢。歸身三錢。川芎一錢。五分。山查二錢。炒枳殼一錢。五分。炒麻仁二錢。杵爛桃仁泥二錢。生地二錢。炙甘草四分。加研爛松子仁五粒。

蕭廣六云。下血過多。肝經血少。腹痛其脉弦者。以熟地。萸肉為君。加白芍。木瓜。蒺藜。一劑可止。有難產久坐。風入胞門。致腹痛欲絕。其脉浮而弦。續斷一兩。防風五錢。服之立愈。腹中虛痛。胸項結核。

薛按一產婦腹中有物作痛。投破氣行血藥尤甚。肢節胸項各結小核。隱於肉裏。此肝血虛也。蓋肝為藏血之臟。而主筋。血虛則筋急而攣。見於肢節胸項者。以諸筋皆屬於節。而胸項又肝之部分也。用八珍道遙歸脾加減治驗。

小腹痛瘀血成膿

薛案載一產後小腹作痛行氣破血不應脈洪數此瘀血成膿也用瓜子仁湯二劑痛止更以太乙膏下膿而愈產後多有此証雖非癰用之神效脈洪數已有膿脈但數微有膿脈遲驟但有瘀血尚未成膿下血即愈若腹脹大轉側作水聲或膿從臍出或從大便出宜用蠟礬丸太乙膏及托裏散凡瘀血宜急治緩則化為膿難治若流注關節則患骨疽失治多為壞證

雄按古今醫案載一婦產後惱怒左少腹結一塊每發時小腹脹痛從下攻上膈間乳上皆痛飲食入胃即吐徧治不效葉香巖用炒黑小茴錢桂酒炒當歸二錢自製鹿角霜菟絲子各一錢五分生查肉三錢川芎八分水煎送阿魏九七分八劑而愈次用烏鷄煎丸原方半料永不復發又云消積之方如桃仁煎用大黃蟲芒硝東垣五積丸俱用川烏巴霜局方聖散子三棱煎丸俱用礞砂乾漆此皆峻厲之劑用而中病固有神效若妄試輕嘗鮮不敗事試閱葉案積聚門並無古方狠藥如十金硝石丸人參硝黃並用丹溪猶以為猛劑學者但將丹溪治積聚諸案細繹自有悟處而黑神丸生熟漆並用尤勿輕試每見服之誤事因思漆身為癩之言則飛補之說其可惑乎

腰痛

大產後惡露方行忽然斷絕腰中重痛下注兩股痛如錐刺入骨此由血滯經絡不即

通之必作癰疽宜桃仁湯五香連翹湯

沈按前方不穩不若用桃仁紅花地龍肉桂沒藥當歸為妥

如神湯治瘀血腰痛延胡當歸肉桂等分水煎服

沈按腰痛不見前證者多屬肝腎虛宜當歸杜仲補骨脂之類

遍身疼痛

薛云以手按之痛甚者血滯也按之痛緩者血虛也

浮腫

沈按產後浮腫先要分水病氣病水病皮薄色白而亮如裏水之狀氣病皮厚色不變經云腎者胃之關也關門不利聚水生病蓋產後腎氣必損胃底陽微不能蒸布津液通調水道此聚水之由也宜腎氣湯丸是證皮薄色白可證人身營衛之氣通則平滯則脹頑痰瘀血皆能阻滯氣道作腫是證皮厚色不變以脈弦者為痰脉細而或乳者為血分證分別論治用藥更有一種血虛而致氣滯者其腫不甚色帶淡黃宜歸身為主佐以白朮陳皮茯苓之類

咳嗽

一婦妊七八個月痰嗽不止有時嘔厚痰數碗投二陳旋覆不應用清肺滋陰愈甚遂

不服藥彌月而產瘕嗽如故日夜不寐三朝後二陳加膽星竹瀝吐出厚痰數碗嗽仍不止更用二陳加旋覆當歸少減稍可喫飯因嗽不減痰漸變薄加入生地四錢食頃減嗽轉甚通身汗出脉象微弦用歸身三錢茯苓二錢炒甘草一錢紫石英三錢因汗欲用黃耆因嗽又止推敲半晌仍用炒黃耆三錢一服汗止而嗽亦大減十劑而安

口眼喎斜

丹溪云必須大補氣血然後治瘕當以左右手脉分氣血多少治之切不可作中風治用小續命湯治風之藥

腰背反張

薛云產後腰背反張肢體抽搐因亡血過多筋無所養使然大補氣血多保無虞若發表驅風百不全一武叔卿云寒主收引背項強直寒在太陽經也諸家皆主續命湯此古法也郭氏不問產後虛實邪之有無概用續命似覺一偏至薛氏專主亡血過多非十全大補不可是或一見乃夷堅志按以大豆紫湯獨活湯而愈亦主於風矣是續命固不為妄也但本方有麻黃附子氣血兩虛人不可輕用而郭氏論又囑人速灌取汗而解偏不以麻黃為忌何也二說俱不可廢臨診時詳之

沈按仲景論腰背反張為瘕無汗者名剛瘕主以葛根湯有汗者名柔瘕主以桂枝加